

পরিচালনা পর্ষদের প্রতিবেদন Report of the Board of Directors

বিস্মিল্লাহির রাহমানির রাহিম
সম্মানিত শেয়ারহোল্ডারবৃন্দ,

সফকো স্পিনিং মিলস্ লিঃ এর ২৪তম বার্ষিক সাধারণ সভায় উপস্থিত সম্মানিত শেয়ারহোল্ডারবৃন্দ আসসালামু আলাইকুম। আপনাদেরকে পরিচালনা পর্ষদের পক্ষ থেকে জানাচ্ছি শুভেচ্ছা ও স্বাগতম। আপনাদের সদয় উপস্থিতির জন্য এবং এই সভার কার্যক্রমে অংশ গ্রহন করে সভাকে পরিপূর্ণতা দান করার জন্য। আমি আপনাদের সকলকে আন্তরিক অভিনন্দন জানাচ্ছি। এই সাথে আমি ৩০ জুন ২০১৮ইং সমাপ্ত ১২ মাসের নিরীক্ষকের প্রতিবেদন সহ নিরীক্ষিত হিসাব ও কোম্পানীর বাৎসরিক কার্যক্রমের উপর পরিচালনা পর্ষদের প্রতিবেদন উপস্থাপন করছি।

শিল্প সম্পর্কিত অবহিতি:

আজকের এই প্রতিযোগিতামূলক বাজারে ১৯৯৬ সালে প্রতিষ্ঠিত সফকো স্পিনিং মিলস্ লিঃ নিয়মিত স্থানীয় বাজারে উৎপাদিত সূতা সরবরাহ করে আসছে। সফকো স্পিনিং মিলে উৎপাদিত বিভিন্ন কাউন্টের সূতা স্থানীয় বুনন ও পোষাক শিল্পে ব্যবহৃত হয়। বর্তমানে দেশে অনেক পুরানো মিল ছাড়া ও উন্নত ও আধুনিক মেশিনারী দ্বারা নতুন মিল প্রতিষ্ঠিত হয়ে স্থানীয় বাজারের সূতা সরবরাহ করে আসছে। তাই বাজারে উন্নত গুণগত মান সম্পন্ন সূতার প্রাপ্যতা যেমন আছে প্রতিযোগিতাও অনেক বেশী আছে। ফলে প্রতিযোগিতামূলক বাজারের অবস্থান দৃঢ় ভাবে প্রতিষ্ঠিত করতে হলে উৎপাদিত পণ্যের গুণগত মান উৎকৃষ্ট হতে হবে।

আপনারা অবগত আছেন যে, সফকো স্পিনিং মিলের দীর্ঘ দিনের পুরানো মেশিনগুলোর সংস্কার ও পরিবর্তন প্রয়োজনীয় হয়ে পরার পরিস্থিতিতে আমরা একটি ব্যাংক এর আর্থিক সহায়তায় আংশিক ভাবে মিলের বিএমআরই এর কাজে হাত দেই যাহা ২২তম বার্ষিক সাধারণ সভায় অবহিত করা হয়।

গত ২৩তম এজিএম এ আমরা আরো বলেছি যে, এই প্রচেষ্টারই ফলশ্রুতিতে আমরা এন.আর.বি, ব্যাংক লিঃ থেকে আর্থিক ঋণ মঞ্জুরী গ্রহন করি। এন.আর.বি ব্যাংক হতে প্রাপ্ত আর্থিক মঞ্জুরী হতে কিছু সংখ্যক পুরানো স্পিনিং ফ্রেইমের জায়গায় ২০,০০০ স্পিন্ডেলের ৪০টি নতুন স্পিনিং ফ্রেইম এবং ৩৬০ ড্রামের ৫টি নতুন অটোকোন, দুইটি কমপ্রেসার আমদানী করা হয় যাহার স্থাপনার কাজ শেষ করা হয়। এর সাথে প্রয়োজনীয় স্লাইভারক্যান, সিমপ্লেক্স ববিন এবং রফগাবেক্ষণ কাজের প্রয়োজনীয় যন্ত্রপাতি সংগ্রহ করা হয়েছে। ঐ সময়ে পুরানো স্পিনিং ফ্রেইম এবং ব্যাক প্রসেসের কিছু কিছু মেশিনের প্রয়োজনীয় যন্ত্রাংশ ক্রয় করে সে সকল মেশিনের উপরে বিএমআরইর কাজ করা হয়েছিল। কর্মক্ষমতা হারিয়ে ফেলা পুরানো মেশিনের স্থলে নতুন মেশিন বসানো এবং অন্যান্য পুরানো মেশিনের বিএমআরআই এর কাজ ২০১৫ইং থেকে শুরু হয়েছে যাহা ২০১৬ সালের শেষে সমাপ্ত হয়েছে।

২০১৬ এর শেষ দিকে বিএমআরইর এই কাজগুলি আংশিক ভাবে শেষ হওয়ার পর মিলের উৎপাদন কিছুটা বৃদ্ধি পেয়েছিল এবং গুণগতমানও বেড়েছিল, কিন্তু বাকী অনেক পুরানো মেশিনের পুনঃসংস্কার করা সত্ত্বেও কার্যকারিতা বা মেশিনের উৎপাদনশীলতার তেমন উল্লেখযোগ্য উন্নতি ঘটে নাই। ফলে মিলে আরো অনেকগুলি পুরানো মেশিন পরিবর্তন প্রয়োজন হয়ে পড়ে। এ ব্যাপারে আমরা গত এজিএমএ আপনাদেরকে অবহিত করেছি এবং কিছু ধারণা দিয়েছি।

মিলের প্রয়োজনীয় বাকী সকল মেশিনারীর সংস্কার এবং সকল পুরানো মেশিনের পরিবর্তে নতুন মেশিন ক্রয় করার জন্য যে পরিমাণ অর্থের প্রয়োজন তাহা এক সাথে ব্যাংক হতে জোগার করা সম্ভব হয় নাই বিধায় এই বৎসরে ব্যাংক এশিয়ার আর্থিক সহায়তা নিয়ে ২য় পর্যায়ের কতকগুলি নতুন মেশিনারী যথা- একটি আধুনিক ব্লো রুম, ২টি সিমপ্লেক্স ফ্রেইম ও ৪০টি নতুন স্পিনিং ফ্রেইম ক্রয় করে পুরাতন মেশিনের সাথে সংযোজন করা হচ্ছে এবং নতুন একটি গ্যাস জেনারেটর ক্রয় করে বর্তমান ২টি পুরানো জেনারেটর এর সাথে সংযোজন করে বিদ্যুৎ সরবরাহ কিছুটা সুসংহত করা হচ্ছে। এ সকল আমদানীকৃত মেশিনগুলির স্থাপনার কাজ ডিসেম্বর, ২০১৮ এর ভিতরে সমাপ্ত হবে বলে আশা করা যায়। আগামী জানুয়ারী, ২০১৯ইং হতে এগুলি হতে সুফল পাওয়া শুরু হবে ইনশাআল্লাহ।

শিল্পের ভবিষ্যৎ পরিকল্পনা:

আগামী বৎসরে আরো কিছু পুরানো ক্ষয়ে যাওয়া ও নষ্ট হয়ে যাওয়া যন্ত্রপাতিগুলির স্থলে নতুন যন্ত্রপাতি ক্রয় করে প্রতিস্থাপন এবং ওয়েষ্ট কালেকশন সিস্টেম ও এসি প্লান্টগুলির সাথে নতুন মেশিন যোগ করে এগুলিকে নতুনভাবে কর্মক্ষম করা হবে। এ সকল মেশিন সংগ্রহ করে নতুনভাবে সংযোজন এবং ক্ষেত্র বিশেষে পুরানো মেশিনের স্থলে প্রতিস্থাপন করা সহ বাকী বিএমআরই কাজ আগামী ২০১৯ সনের সেপ্টেম্বর/অক্টোবর এ শেষ হবে বলে আশা করা যায়। নতুন মেশিন এর অনেক গুলির স্থাপনার স্থান সংকুলানের জন্য মিলে ১৬০০০ বর্গ ফুটের একটি নতুন শেড/বিল্ডিং এর নির্মাণ কাজ চলছে এবং প্রায় সম্পন্ন হওয়ার পথে। এই নবনির্মিত শেডে উৎপাদন যথার্থ রাখার জন্য একটি নতুন এসি প্লান্ট স্থাপন জরুরী বিধায় আগামী বৎসর এসি প্লান্ট এর নতুন ইউনিটে স্থাপন করার জন্যে প্রয়োজনীয় মেশিনারী ও ডাক্ট মেটেরিয়াল সংগ্রহের ব্যবস্থা করা হচ্ছে।

উল্লেখযোগ্য সফকো স্পিনিং মিলের গ্যাস জেনারেটর (ক্যাপটিভ পাওয়ার) চালানোর জন্য ১৯৯৭ সনে জালালাবাদ গ্যাস ট্রান্সমিশন কোং হইতে ২টি জেনারেটরের জন্য অনুমোদনকৃত ও প্রাপ্ত গ্যাস সাপ্লাই বর্তমানের বিদ্যুৎ চাহিদার জন্য অপূর্ণ হওয়ায় আরো ১টি নতুন জেনারেটর সংযোজনের জন্য প্রয়োজনীয় অতিরিক্ত গ্যাস প্রাপ্তির অনুমোদনের জন্য আমরা আবেদন করেছি। এতকাল গ্যাস সরবরাহের অনুমোদন বন্ধ ছিল। বর্তমান পরিস্থিতিতে খুব শীঘ্র এই অনুমোদন পাব বলে আশা করি। অতিরিক্ত গ্যাস এর অনুমোদন পাওয়া গেলে পর এর সৃষ্ট সরবরাহ নিশ্চিত করার জন্য আগামী বৎসর অতিরিক্ত জামানতের অর্থ প্রদান সহ আর, এম, এস এবং গ্যাস পাইপ লাইনের উন্নয়ন করা হবে। এই সাথে আপনাদের সদয় অবগতির জন্য জানাচ্ছি যে, নতুন মেশিনারী সংযোজনের সাথে সাথে মিলের বিদ্যুৎ চাহিদা বেড়ে যাবে। এদিকে মিলের পুরানো ২টি জেনারেটর এর কর্মক্ষমতা কমে গেছে। ফলে আগামী বৎসর একটি নতুন গ্যাস জেনারেটর আমদানী ও স্থাপন করা হবে ইনশাআল্লাহ। এই সাথে মিলে নতুন ইউনিট সহ অন্যান্য মেশিনারীতে বিদ্যুৎ বিতরণ ব্যবস্থা সুসংহত করার জন্য বিদ্যুৎ সাবস্টেশন এর উন্নয়ন এবং বিতরণ লাইনের নতুন কেবল সংস্থাপন করার কাজ হাতে নেওয়া হবে।

নতুন মেশিনের সংযোজন সহ বাকী মেশিনের বিএমআরই কাজ গুলো সম্পন্ন হওয়ার পরেই মিলের উল্লেখযোগ্য উন্নতি হবে এবং উল্লেখযোগ্য উৎপাদন বাড়বে বলে আমরা আশা করি। তবে নতুন মেশিনারী সংগ্রহ ও স্থাপনা, পরিবর্তন পরিবর্ধন করতে বৎসরাধিক কাল সময় লেগে যাবে বলে তাৎক্ষনিকভাবে এ বৎসর এর সুফল লাভ করা যাবে না। তাই আগামী বৎসরেও কোম্পানী উল্লেখযোগ্য কোন লাভ করতে পারবে না বলে ধারণা করি। এ সকল ব্যাপারে সম্মানিত শেয়ারহোল্ডারবৃন্দের সহযোগিতা ও সুপরামর্শ কামনা করি।

খাতওয়ারী অথবা পণ্যভিত্তিক ফলাফল:

সফকো স্পিনিং মিলস্ লিঃ এর ব্যবসা কার্যক্রম পণ্য এবং সেবা বা অবস্থানের বৈচিত্রের মধ্যে কোন পার্থক্য না থাকায় খাতওয়ারী অথবা পণ্যভিত্তিক ফলাফল বর্ণনা করা হয় নাই।

ঝুঁকি ও উদ্বিগ্নতাসমূহ:

আমাদের দেশে সর্বজন বিদিত যে, প্রাকৃতিক দুর্যোগ, রাজনৈতিক অস্থিরতা, সামাজিক নিরাপত্তার অনিশ্চয়তা ইত্যাদি পরিস্থিতির কারণে দেশের সকল শিল্পকে ঝুঁকি ও উদ্বিগ্নতার মধ্য দিয়ে কর্মকাণ্ড পরিচালনা করতে হয়। সফকো স্পিনিং মিল একটি সূতা উৎপাদনকারী মিল এবং এই মিলের উৎপাদন সরাসরি আমদানীকৃত কাঁচামাল তুলা ও পলিয়েস্টার ফাইবার এর উপর নির্ভরশীল। তুলা ও পলিয়েস্টার ফাইবার উভয়ই আমদানীতব্য কাঁচামাল বিধায় এর মূল্য আন্তর্জাতিক বাজারে যে কোন সময় পরিবর্তনশীল, সেহেতু মিলের উৎপাদন ও লাভ লোকসান আমদানীকৃত কাঁচামালের মূল্য তারতম্যের কারণে সর্বদা ঝুঁকি ও অনিশ্চয়তার মধ্যে থাকে। এ ছাড়া বিদ্যুৎ ও গ্যাস ঘাটতি, প্রাকৃতিক দুর্যোগ, রাজনৈতিক অস্থিতিশীলতা, ফসল তোলার সময়ে শ্রমিকের অনুপস্থিতির ফলশ্রুতিতে মিলের উৎপাদন বিঘ্নিত হতে পারে এবং তহবিল ব্যয় বেড়ে যেতে পারে। শিল্প খাতে বিদ্যুৎ ও গ্যাসের মূল্য ক্রমাগত বাড়ছে। এ ছাড়া শ্রমিক কর্মচারীদের বেতন ভাতা বছরে বছরে বাড়ছে। শিল্পের ঝুঁকি ও উদ্বিগ্নতাসমূহ সরকারের গৃহিতব্য নীতি নির্ধারণের উপরও যথেষ্ট মাত্রায় নির্ভরশীল। এমতাবস্থায় অন্যান্য স্পিনিং মিলের মত সফকো স্পিনিং মিলকেও এ সকল ঝুঁকি ও অনিশ্চয়তাকে মেনে নিয়েই এগিয়ে যেতে হচ্ছে এবং ভবিষ্যতেও এগিয়ে যেতে হবে ইনশাল্লাহ্।

বিক্রিত পণ্যের ব্যয় বিশ্লেষণ, মোট প্রান্তিক মুনাফা এবং নীট প্রান্তিক মুনাফা:

বিবরণ	৩০ জুন, ২০১৮	৩০ জুন, ২০১৭
বিক্রিত পণ্যের ব্যয়	৪৮৯,৩৪৫,০১২	৪৩১,০০৭,১৩৬
মোট মুনাফা	৯৮,১৪৭,৩০৩	৯১,৪২০,৮৯৪
নীট মুনাফা	১২,১৯৬,৭২৬	১১,১০২,৯৬১

অস্বাভাবিক লাভ বা ক্ষতি:

বার্ষিক প্রতিবেদনের হিসাবের নোট নং- ১৯ এ অস্বাভাবিক লাভ বা ক্ষতি বর্ণনা করা হয়েছে।

আন্তঃসম্পর্কিত কোম্পানীর লেনদেন সমূহ:

আন্তঃসম্পর্কিত লেনদেনসমূহ কোন বিশেষ সুবিধা ব্যতীত আর্ম লেজ ব্যাসিস এ সম্পন্ন করা হয়েছে।

বার্ষিক প্রতিবেদনের হিসাবের নোট নং ২৬ এ আন্তঃসম্পর্কিত কোম্পানীর লেনদেন সমূহ বর্ণনা করা হয়েছে।

পাবলিক ইস্যু অথবা রাইট ইস্যু হতে প্রাপ্ত তহবিলের ব্যবহার:

এ বছর কোন পাবলিক ইস্যু অথবা রাইট ইস্যু হয় নাই।

ইনিশিয়াল পাবলিক অফারিং (আইপিও), রিপিট পাবলিক অফারিং (আরপিও), রাইট অফার, ডাইরেস্ট লিষ্টিং ইত্যাদি অর্থ বা তহবিল প্রাপ্তির পর কোম্পানীর আর্থিক অবস্থা:

ইনিশিয়াল পাবলিক অফারিং (আইপিও) সম্পন্ন হয়েছে ১৯৯৮ সালে। পরবর্তীতে কোন রিপিট পাবলিক অফারিং (আরপিও), রাইট অফার, ডাইরেস্ট লিষ্টিং ইত্যাদি করা হয় নাই।

বার্ষিক আর্থিক বিবরণী এবং ত্রৈমাসিক আর্থিক অবস্থার বিবরণীর মধ্যে পার্থক্য:

বার্ষিক আর্থিক বিবরণী এবং ত্রৈমাসিক আর্থিক অবস্থার বিবরণীর মধ্যে নিম্নোক্ত পার্থক্য পরিলক্ষিত হয়-

- চতুর্থ ত্রৈমাসিক প্রতিবেদনে বিক্রয় হিসাবে প্রদর্শিত হয় ১৬.৩২ কোটি টাকা, যেখানে শেয়ার প্রতি অর্জন দাড়ায় ০.০৩ টাকা। কিন্তু প্রথম ত্রৈমাসিক প্রতিবেদনে বিক্রয় হিসাবে প্রদর্শিত হয়েছিল ১৪.৬৯ কোটি টাকা। যেখানে শেয়ার প্রতি অর্জন ছিল ০.১২ টাকা।
- চতুর্থ ত্রৈমাসিক প্রতিবেদনে বিক্রয় ১১.১০% বৃদ্ধি পাওয়া সত্ত্বেও শেয়ার প্রতি অর্জন ০.০৯ টাকা হ্রাসের কারণ হচ্ছে-
- বিক্রিত পণ্যের ব্যয় বৃদ্ধি পাওয়া
- প্রশাসনিক ও অর্থনৈতিক ব্যয় বৃদ্ধি ইত্যাদি।

স্বতন্ত্র পরিচালক সহ পরিচালকদের পারিশ্রমিক:

বার্ষিক প্রতিবেদনের হিসাবের নোট নং ২৮ এ স্বতন্ত্র পরিচালক সহ পরিচালকদের পারিশ্রমিক বর্ণনা করা হয়েছে।

আর্থিক প্রতিবেদনের উপর পরিচালকগণের বিবৃতি:

ক) সফকো স্পিনিং মিলস লিঃ এর ব্যবস্থাপনা কর্তৃপক্ষ কর্তৃক প্রস্তুতকৃত আর্থিক বিবরণীতে কোম্পানীর আর্থিক অবস্থা, কার্যক্রমের ফলাফল, নগদ প্রবাহ এবং মূলধনের পরিবর্তন সঠিকভাবে উপস্থাপন করা হয়েছে।

খ) কোম্পানীর হিসাব বহি সমূহ যথাযথ ভাবে সংরক্ষণ করা হয়েছে।

গ) আর্থিক বিবরণী প্রস্তুতিতে যথোপযুক্ত হিসাবনীতি সমূহ ধারাবাহিক ভাবে প্রয়োগ করা হয়েছে এবং হিসাব গত পরিমাপক সমূহ যুক্তিসঙ্গত ও বিচক্ষণ সিদ্ধান্তের উপর প্রতিষ্ঠিত।

ঘ) ইন্টারন্যাশনাল একাউন্টিং স্ট্যান্ডার্ড (আইএএস) যা বাংলাদেশে প্রযোজ্য তা অনুসরণ করে আর্থিক বিবরণী প্রস্তুত করা হয়েছে এবং কোথাও কোন ব্যত্যয় থাকলে তা যথাযথ ভাবে প্রকাশ করা হয়েছে।

ঙ) অভ্যন্তরীণ নিয়ন্ত্রণ ব্যবস্থা সুসংহত কার্যকর ভাবে বাস্তবায়ন ও পর্যবেক্ষণ করা হয়েছে।

চ) কোম্পানীর চলমান অস্তিত্বের সামর্থ্যের ক্ষেত্রে কোনরূপ তাৎপর্যপূর্ণ সন্দেহের অবকাশ নাই।

গত বৎসরের পরিচালনগত ফলাফলের সাথে চলতি বৎসরের ব্যবধান:

গত বৎসরের পরিচালনগত ফলাফলের সাথে চলতি বৎসরের নিম্নোক্ত ব্যবধান পরিলক্ষিত হয়-

- বিক্রয় আয় গত বছরের তুলনায় বৃদ্ধি পেয়েছে যার কারণ হচ্ছে-
 - বিক্রয় বৃদ্ধি
 - চাহিদা বৃদ্ধি
 - পরিচালনা ও বিজ্ঞাপন ব্যয় হ্রাস।
- মোট মুনাফা অনুপাত গত বছরের তুলনায় ৭% বৃদ্ধি পেয়েছে
 - বিক্রয় বৃদ্ধি
 - পরিচালনা ও বিজ্ঞাপন ব্যয় হ্রাস।

চলমান প্রতিষ্ঠান ধারণা:

কোম্পানীর পরিচালকবৃন্দ মতামত পোষণ করেন যে, অত্র প্রতিষ্ঠানের অদূর ভবিষ্যতে ব্যবসা পরিচালনা করার মত পর্যাপ্ত সক্ষমতা রয়েছে। এমন কোন কারণ পরিলক্ষিত হয়নি যার কারণে অদূর ভবিষ্যতে ব্যবসা বন্ধ হয়ে যেতে পারে।

বার্ষিক প্রতিবেদনের হিসাবের নোট নং ২.১ এ কোম্পানীর চলমান প্রতিষ্ঠান ধারণা সম্পর্কে বর্ণনা করা হয়েছে।

পূর্ববর্তী পাঁচ বৎসরের মুখ্য পরিচালন এবং অর্থনৈতিক উপাত্তের তুলনামূলক চিত্র তুলে ধরা হল:

বিবরণ	২০১৭-২০১৮	২০১৬-২০১৭	২০১৬ (পূর্নানুধারিত)	২০১৪ (পূর্ননির্ধারিত)	২০১৩
টাকা ওভার	৫৮৭,৪৯২,৩১৫	৫২২,৪২৮,০৩০	৩৬৮,০১১,৪৩৮	৩৫৬,৬৩১,৩৩৭	৩৪৮,৮৭২,১২১
মোট মুনাফা/(ক্ষতি)	৯৮,১৪৭,৩০৩	৯১,৪২০,৮৯৪	৫৪,০৭৫,১৫০	৭২,২৬৪,৩০৮	৬০,৯৯০,৬৪৮
কর পূর্ববর্তী নীট মুনাফা/(ক্ষতি)	১৬,৮৬০,৮১২	১৭,৯৮৬, ৪৬০	৮,৫৪০,৯৫১	৩৮,৬১২,৩৬২	৩১,৫৫৬,৪২২
কর পরবর্তী নীট মুনাফা/(ক্ষতি)	১২,১৯৬,৭২৬	১১,১০২,৯৬১	৭,৩৪৯,৫৫৩	৩৮,১২৯,৫২৫	২৫,৫৪৫,৬৭৫
মোট মুনাফা অনুপাত	১৬.৭০%	১৭.৪৯%	১৪.৬৯%	১৯.৭৬%	১৭.৪৮%
নীট মুনাফা অনুপাত	২.১%	২.১৩%	২.০০%	১০.৬৯%	৭.৩২%
বিক্রিত পণ্যের অনুপাত	৮৩.৩%	৮২.৫১%	৮৫.৩১%	৮০.২৪%	৮২.৫২%
শেয়ার প্রতি অর্জন	০.৪২	০.৩৮	০.২৬		

লভ্যাংশ ঘোষণা:

পরিচালনা পর্ষদ কোম্পানীর অর্জনের সাথে সঙ্গতি রেখে এবং সম্মানিত শেয়ারহোল্ডারবৃন্দের প্রয়োজনের কথা বিবেচনা করে ১০ টাকা মূল্যমানের প্রতিটি সাধারণ শেয়ারের জন্য ০৩% হারে স্টক (বোনাস শেয়ার) লভ্যাংশ ঘোষণার জন্য সুপারিশ করেছেন

বোর্ড সভা:

২০১৭-২০১৮ইং সনে সর্বমোট ৯(নয়)টি বোর্ড সভা অনুষ্ঠিত হয়।

২০১৭-২০১৮ইং সনে অনুষ্ঠিত বোর্ড সভা এবং পরিচালকবৃন্দের উপস্থিতির তালিকা নিম্নরূপ:

ক্রমিক নং	পরিচালকের নাম	পদবী	অনুষ্ঠিত বোর্ড সভা	উপস্থিতি
০১	জনাব এস,এ,কে,এম, সেলিম	চেয়ারম্যান	৯	৯
০২	জনাব এস,এ,বি,এম, হুমায়ুন	ব্যবস্থাপনা পরিচালক	৯	৯
০৩	জনাব সৈয়দ সাকের আহমেদ	পরিচালক	৯	৯
০৪	জনাবা সৈয়দা মোমেনা বেগম	পরিচালক	৯	৭
০৫	জনাব মোহাম্মদ মোফাছেল আলী	স্বতন্ত্র পরিচালক	৯	৮

শেয়ারহোল্ডিং সংক্রান্ত বিবরণ:

নাম অনুসারে বিবরণ	শেয়ার সংখ্যা
ক) প্যারেন্ট/ সার্বসিডিয়ারী/এসোসিয়েটেড কোম্পানী এবং অন্যান্য সম্পর্কিত পার্টি সমূহ:	
খ) পরিচালকবৃন্দ:	
জনাব এস, এ, বি, এম, হুমায়ুন - ব্যবস্থাপনা পরিচালক	২৩,৫৫,৯৬৫
জনাব এস, এ, কে, এম, সেলিম - পরিচালক	২৭,৭০,১৬৪
জনাব সৈয়দ সাকের আহমেদ - পরিচালক	৮,৫৪,২১২
জনাবা সৈয়দা মোমেনা বেগম - পরিচালক	৬,৩১,৮৮৩
গ) প্রধান অর্থ কর্মকর্তা, কোম্পানী সচিব ও অভ্যন্তরীণ নিরীক্ষা প্রধান:	-
ঘ) নির্বাহীবৃন্দ:	-
ঙ) কোম্পানীতে ১০(দশ) শতাংশ অথবা তার চেয়ে বেশী ভোটের অধিকারী শেয়ারহোল্ডারবৃন্দ:	-

পরিচালক নির্বাচন:

কোম্পানীর পরিচালক জনাব এস,এ,বি,এম, হুমায়ুন এবং পরিচালক জনাব এস,এ,কে,এম, সেলিম সংঘবিধির ১১০ ধারা অনুযায়ী অবসর গ্রহণ করেছেন। পরিচালকবৃন্দ স্বপক্ষে পুনঃনির্বাচিত হওয়ার যোগ্য বিধায় পুনরায় নিয়োগ লাভের ইচ্ছা পোষণ করেছেন। উপরে বর্ণিত পরিচালকবৃন্দের সংক্ষিপ্ত জীবনবৃত্তান্ত ও তথ্যাদি বিএসইসির নোটিফিকেশন অনুযায়ী নিম্নে বিবৃত হল:

জনাব এস,এ,বি,এম, হুমায়ুন:

জনাব এস,এ,বি,এম, হুমায়ুন বি,এসসি, ইঞ্জিনিয়ারিং (মেকানিক্যাল) ডিগ্রী প্রাপ্ত এবং বিশেষ বিশেষ ক্ষেত্রে প্রশিক্ষণ প্রাপ্ত একজন দক্ষ প্রকৌশলী হিসাবে সুপরিচিত। তিনি ইনস্টিটিউট অব ইঞ্জিনিয়ার্স বাংলাদেশ এর আজীবন ফেলো। তিনি সফকো স্পিনিং মিলস্ লিঃ এবং সাইহাম জুট মিলস লিঃ এর ব্যবস্থাপনা পরিচালক পদে অধিষ্ঠিত আছেন। তিনি শিল্প পরিকল্পনা, স্থাপনা ও পরিচালনা এবং ব্যবসা ও মার্কেটিং ক্ষেত্রে ব্যাপক জ্ঞানের অধিকারী। তিনি শিল্প খাতে বিভিন্ন পরিকল্পনা, বাস্তবায়ন ও কার্যক্রমে ৩৫ বছরের অভিজ্ঞতায় নিজেকে সমৃদ্ধ করেছেন। তিনি ১৯৮২ সাল থেকে সাইহাম গ্রুপের বিভিন্ন শিল্প কারখানার স্থাপনার সাথে জড়িত এবং ঐ গ্রুপের বিভিন্ন প্রজেক্ট বাস্তবায়নের গুরুত্বপূর্ণ দায়িত্বসমূহ পালন করে আসছেন। তিনি এলাকার বিভিন্ন স্কুল, কলেজ প্রতিষ্ঠা ও পরিচালনা এবং বিভিন্ন জনকল্যানমূলক কাজের সাথে সম্পৃক্ত আছেন। কার্যউপলক্ষে তিনি এশিয়া, আফ্রিকা ও আমেরিকা মহাদেশের বহুদেশ ভ্রমণ করেছেন।

জনাব এস,এ,কে,এম, সেলিম:

জনাব এস,এ,কে,এম, সেলিম ইউ,কে, থেকে কষ্ট একাউন্টিং ডিগ্রী অর্জন করেন। তিনি সফকো স্পিনিং মিলস্ লিঃ এর চেয়ারম্যান পদে অধিষ্ঠিত আছেন। তিনি শিল্প ও ব্যবসা খাত সম্পর্কে ব্যাপক জ্ঞানের অধিকারী। তিনি ইউ,কে, এবং ইউ,এস,এ, উভয় দেশ থেকে ব্যাপক ব্যবসায়িক জ্ঞান অর্জন করেছেন। তিনি বিভিন্ন সমাজকল্যানমূলক প্রতিষ্ঠান ও জনকল্যান কাজে জড়িত আছেন।

A Management's Discussion and Analysis signed by CEO or MD presenting detailed analysis of the company's position and operations along with a brief discussion of changes in the financial statements, among others, focusing on:

Particulars	June 30, 2018	June 30, 2017
Gross Profit Margin	16.71%	17.49%
Operating Profit Margin	15.93%	15.18%
Net Profit Margin	2.08%	2.12%
Return on asset	0.22%	0.40%
Return on Equity	2.30%	2.14%
Earning Per Share	0.42	0.40

Particulars	June 30, 2018 (12 Months)	June 30, 2017 (12 Months)
Revenues	587,492,315	522,428,030
Changes in Percentage	12.45%	
Cost of Goods Sold	489,345,012	431,007,136
Changes in Percentage	13.54%	
Operating Expenses	13,042,337	12,133,648
Changes in Percentage	7.49%	
Net Profit after Tax	12,196,726	11,102,961
Changes in Percentage	9.85%	

(ক) আর্থিক বিবৃতি প্রস্তুত করার জন্য একাউন্টিং নীতি এবং মূল্যায়ন।

একাউন্টিং নীতি এবং আর্থিক প্রতিবেদন প্রস্তুতিতে পূর্ববর্তী বৎসরের সাথে কোন পরিবর্তন নাই।

(খ) একাউন্টিং নীতি এবং প্রাক্কলন পরিবর্তন, যদি থাকে তবে, আর্থিক কর্মক্ষমতা বা ফলাফল এবং আর্থিক অবস্থানের প্রভাব এবং সেই পরিবর্তনের জন্য সম্পূর্ণ চিত্রের মধ্যে নগদ প্রবাহ সম্পর্কে স্পষ্টভাবে বর্ণনা করা;

নীতি এবং প্রাক্কলন সম্পর্কিত কোনও পরিবর্তন নেই, যার ফলে কর্মক্ষমতা এবং নগদ প্রবাহের উপর কোন প্রভাব নেই।

(গ) আর্থিক কর্মক্ষমতা বা ফলাফল এবং আর্থিক অবস্থানের সাথে তুলনামূলক বিশ্লেষণ (মুদ্রাস্ফীতির প্রভাব সহ) এবং বর্তমান আর্থিক বছরের জন্য নগদ প্রবাহ তাৎক্ষণিক পূর্ববর্তী পাঁচ বছরের সাথে তার কারণ ব্যাখ্যা করা।

Revenue and Result from operation:

Particulars	2017-2018 (12 month)	2016-2017 (12 month)	2015-2016 (18 month)	2014 (12 month)	2013 (12 month)
Revenue	587,492,315	522,428,030	515,600,017	356,631,337	348,872,121
Gross Profit	98,147,303	91,420,894	85,566,486	62,288,879	60,990,648
Operating Profit	93,573,398	79,287,246	69,100,046	54,357,005	51,434,696
Net Profit Before Tax	16,860,812	17,986,460	24,558,299	29,111,953	30,053,735
Net Profit after Tax	12,196,726	11,102,961	18,603,055	28,629,116	25,545,676

Statement of Financial Position:

Particulars	June 30, 2018	June 30, 2017	June 30, 2016	December 31, 2014	December 31, 2013
Non-Currents Asset	1029389858	775242016	738,013,085	541,123,034	560,455,512
Total Current Asset	512832172	492517789	352,152,453	279,800,314	247,422,287
Total Asset	1542222030	1267759805	1,090,165,538	820,923,348	807,877,799
Shareholders' Equity	529840386	517643660	506,540,699	542357256	513,928,140
Non-current Liability	452826254	442766804	408,296,052	29663368	39,220,932
Current Liability	559580390	307349341	175,328,787	248,902,724	254,728,727
Total Liability	1,542,222,030	1267759805	1,090,165,538	820,923,348	807,877,799

Changes in Cash Flows:

Particulars	2017-2018 (12 month)	2016-2017 (12 month)	2015-2016 (18 month)	2014 (12 month)	2013 (12 month)
Net Cash Flows from Operating activities	98,957,717	58,597,652	82,995,920	41,741,701	13,771,171
Net Cash Flows or used in Investing Activities	(178,689,437)	(156,221,864)	(264,372,417)	(7,782,000)	(2,626,240)
Net Cash Flows or used in financing activities	73,390,371	96,766,187	198,666,451	(34,566,377)	(11,091,945)

বিক্রয় রাজস্ব পরিবর্তনের কারণ:

২০১৭-২০১৮ অর্থ বছরে বিক্রয় রাজস্ব আয় ২.৪৫% বৃদ্ধি পেয়েছে। কোম্পানীর খ্যাতির কারণে উৎপাদিত পণ্যের বর্ধিত চাহিদার জন্য কোম্পানীর পণ্যের বিক্রয় ধারাবাহিকভাবে বৃদ্ধি পেয়েছে।

রাজস্ব খরচ পরিবর্তনের কারণ:

২০১৭-২০১৮ অর্থ বছরে রাজস্ব খরচ ১৩.৫৪% বৃদ্ধি পেয়েছে। রাজস্ব ব্যয় সাধারণত রাজস্ব আয়ের সঙ্গে সম্পর্কিত হয়। ২০১৭-২০১৮ সালে আয় বৃদ্ধি পাওয়ার সাথে সাথে রাজস্ব খরচ তুলনামূলক বেড়েছে।

নীট মুনাফা পরিবর্তনের কারণ:

গত অর্থ বছরের তুলনায় এ অর্থ বছরে নীট মুনাফা ৯.৮৫% বৃদ্ধি পেয়েছে। গত বছরের তুলনায় এ বছর বিক্রয় বৃদ্ধি এবং অন্যান্য আয় বৃদ্ধি পাওয়ায় নীট মুনাফার হার ও বৃদ্ধি পেয়েছে।

(ঘ) আর্থিক কর্মক্ষমতা বা ফলাফল এবং আর্থিক অবস্থান এবং সহকর্মী শিল্পের সঙ্গে নগদ প্রবাহ তুলনা;
কোনও শিল্প তথ্য পাওয়া যায় না যার সঙ্গে আমরা তুলনা করতে পারি।

(ঙ) দেশ এবং পৃথিবীর অর্থনৈতিক অবস্থা সম্পর্কে সংক্ষিপ্তভাবে ব্যাখ্যা করুন;
বাংলাদেশের জিডিপি বৃদ্ধির হার গত ০৫ বছরে ৬% ছাড়িয়ে গেছে এবং ২০২৪ সাল নাগাদ বাংলাদেশ মধ্যম আয়ের দেশে পরিণত হওয়ার পথে চলেছে। এই ধরনের অর্থনৈতিক সমৃদ্ধির সাথে সাথে বস্ত্র খাতের চাহিদাও বৃদ্ধি পাবে।

(চ) আর্থিক বিবৃতি সম্পর্কিত ঝুঁকি ও উদ্বেগ, ঝুঁকি ও উদ্বেগ হ্রাসের কোম্পানীর পরিকল্পনা ব্যাখ্যা করা;

কাঁচামাল ঝুঁকি ও ব্যবস্থাপনার উপলদ্ধি:

সফকো স্পিনিং মিল একটি সুতা উৎপাদনকারী মিল এবং মিলের উৎপাদন সরাসরি আমদানীকৃত কাঁচামাল তুলা ও পলিয়েস্টার ফাইবার এর উপর নির্ভর। তুলা ও পলিয়েস্টার ফাইবার উভয়ই আমদানীতব্য কাঁচামাল বিধায় এর মূল্য আন্তর্জাতিক বাজারে যেকোন সময় পরিবর্তনশীল। সেহেতু মিলের লাভ-লোকসান আমদানীকৃত কাঁচামালের মূল্য তারতম্যের কারণে সর্বদা ঝুঁকি ও অনিশ্চয়তার মধ্যে থাকে।

ব্যবস্থাপনা কর্তৃপক্ষ সবসময় আন্তর্জাতিক কাঁচামাল সম্পর্কে সচেতন। ব্যবস্থাপনা বিশ্বাস করে যে কাঁচামালের জন্য দীর্ঘ মেয়াদী পরিকল্পনা পরিচালনা করা, আন্তর্জাতিক বাজারে অনুসন্ধান করা সহ বিভিন্ন সরবরাহকারীদের সাথে সু-সম্পর্ক বজায় রাখলে কাঁচামালের খরচ বাড়ানোর ঝুঁকি কমিয়ে দিতে পারে।

শ্রম অস্থিরতা ও ব্যবস্থাপনার উপলদ্ধি:

যেকোন মিল কারণে সৃষ্ট উৎপাদনের পূর্ব শর্ত হল শ্রমিক মালিক সু-সম্পর্ক ও সুন্দর পরিবেশ বজায় রাখা। এর কোন ব্যত্যয় ঘটলে শ্রমিক অসন্তোষ সৃষ্টি হতে পারে যার ফলে উৎপাদন ব্যাঘাত ঘটতে পারে।

সফকো স্পিনিং কর্তৃপক্ষ সর্বদা কোম্পানীর শ্রমিক ও কর্মচারীদের কল্যাণের দিকে লক্ষ্য রেখে আসছে। প্রশিক্ষণের মাধ্যমে উন্নত ও দক্ষ শ্রমিক গড়ে তোলার দিকে কর্তৃপক্ষ সর্বদা গুরুত্ব দিয়ে আসছে। কর্মকর্তা, কর্মচারী এবং শ্রমিকগণ যাতে সুষ্ঠুভাবে জীবিকা নির্বাহ করতে পারে, সু-চিকিৎসার সুযোগ পায় সেদিকে কর্তৃপক্ষ সম্পূর্ণ দৃষ্টি রেখে আসছে। এতে শ্রমিকের মধ্যে শ্রম অস্থিরতার ঝুঁকি হ্রাস করে।

সুদের হার ঝুঁকি ও ব্যবস্থাপনা উপলদ্ধি:

কোম্পানী বিভিন্ন ব্যাংকগুলো থেকে দীর্ঘ এবং স্বল্প মেয়াদী ঋণ রয়েছে। বিভিন্ন সময়ে স্বল্প মেয়াদী ও দীর্ঘ মেয়াদী ব্যাংক ঋণের সুদের হার বর্ধিত হতে পারে। যদি বিদ্যমান ব্যাংক ঋণের সুদের হার বর্তমান স্তর থেকে বৃদ্ধি পায় তবে নগদ প্রবাহ এবং লাভজনকতা বাধাগ্রস্ত হবে।

কোম্পানীর ব্যবস্থাপনা সর্বদা কোম্পানীর সর্বোত্তম মূলধন কাঠামো বজায় রাখার জন্য তার অর্থ পরিচালনার উপর জোর দেয় যাতে মূলধনের খরচ সর্ব নিম্ন থাকে।

ছ) কোম্পানীর অপারেশন কর্মক্ষমতা এবং আর্থিক অবস্থানের জন্য ভবিষ্যত পরিকল্পনা বা অভিক্ষেপ বা পূর্বাভাস, যা যথাযথভাবে যেমন আসন্ন এজিএম এ শেয়ারহোল্ডারদের প্রকৃত অবস্থান ব্যাখ্যা করা হবে:

ভবিষ্যৎ পরিকল্পনা:

সফকো স্পিনিং মিলের দীর্ঘ দিনের পুরানো মেশিনগুলোর সংস্কার ও পরিবর্তন হয়ে পড়ার প্রেক্ষিতে মিলের বিএমআরই কাজ শুরু করা হয়। অনেক নতুন মেশিন প্রতিস্থাপন করা হয়। উৎপাদন কাঙ্ক্ষিত লক্ষ্যে পৌঁছানোর জন্য একাজ চালু রাখা হয়েছে এবং আগামী বছরগুলিতেও কিছু নতুন যন্ত্রপাতির প্রতিস্থাপন কাজ চলবে এবং বিদ্যুৎ সরবরাহ ব্যবস্থা সু-সংহত করা হবে। নতুন মেশিনের সংযোজন ও বাকী মেশিনের বিএমআরই কাজগুলো শেষ হওয়ার পরে মিলের উল্লেখযোগ্য উন্নতি ও উৎপাদন বাড়বে এবং ভবিষ্যতে ভাল মুনাফা অর্জন করতে সক্ষম হবে বলে আশা করা যায়।

অডিট কমিটি:

কোম্পানীর পরিচালনা পর্ষদের একটি উপ কমিটি হিসাবে পুনঃগঠিত অডিট কমিটির বিবরণ নিম্নরূপ :

জনাব মোহাম্মদ মোফাছেল আলী	-	স্বতন্ত্র পরিচালক	:	চেয়ারম্যান
জনাব সৈয়দ সাকের আহমেদ	-	পরিচালক	:	সদস্য
জনাবা সৈয়দা মোমেনা বেগম	-	পরিচালক	:	সদস্য

অডিট কমিটির প্রতিবেদন:

অডিট কমিটি বছরব্যাপী স্বীয় অডিট কার্যক্রমে একটা অনিয়মের সন্ধান পান নাই মর্মে পরিচালনা পর্ষদের নিকট প্রতিবেদন পেশ করেছেন। অডিট কমিটির রিপোর্ট অত্র প্রতিবেদনের এ সংযুক্ত করা হয়েছে।

নিরীক্ষক নিয়োগ:

কোম্পানীর বর্তমান নিরীক্ষক মেসার্স মালেক সিদ্দিকী ওয়ালী এন্ড কোং, চার্টার্ড একাউন্ট্যান্টস অত্র সভায় নির্দিষ্ট মেয়াদ উত্তীর্ণ করেছেন। ঢাকা ষ্টক এক্সচেঞ্জ (লিঃ) রেগুলেশন, ২০১৫ইং অনুযায়ী যোগ্য বিধায় মেসার্স মালেক সিদ্দিকী ওয়ালী এন্ড কোং, চার্টার্ড একাউন্ট্যান্টস কোম্পানীর নিরীক্ষক হিসেবে ২০১৮-২০১৯ইং অর্থ বছরের জন্য পুনঃনিয়োগ লাভের ইচ্ছা প্রকাশ করেছেন।

কর্পোরেট গভর্নেন্স কমপ্লায়েন্স প্রতিবেদন:

বাংলাদেশ সিকিউরিটিজ এন্ড এক্সচেঞ্জ কমিশনের নোটিফিকেশন অনুযায়ী ৬ নং ধারা অনুসারে সিইও এবং সিএফও কর্তৃক প্রত্যয়ন পত্র, ৭(১) ধারা অনুসারে প্রফেশনাল একাউন্ট্যান্ট কর্তৃক প্রত্যয়ন পত্র এবং ৭(২) ধারা অনুসারে কর্পোরেট গভর্নেন্স প্রতিপালন প্রতিবেদন যথাক্রমে সংযুক্তি A,B এবং C এর মধ্যে বর্ণনা/প্রকাশ করা হলো।

কর্পোরেট গভর্নেন্স কোড কমপ্লায়েন্স সার্টিফিকেটের প্রফেশনাল একাউন্ট্যান্ট নিয়োগ:

বাংলাদেশ সিকিউরিটিজ এন্ড এক্সচেঞ্জ কমিশনের নোটিফিকেশন অনুযায়ী ৯ নং ধারা অনুসারে প্রফেশনাল একাউন্ট্যান্ট কর্তৃক প্রত্যয়ন পত্রের ২০১৮-২০১৯ অর্থ বছরের জন্য মেসার্স রহমান মোস্তফা আলম এন্ড কোং চার্টার্ড একাউন্ট্যান্টস নিয়োগ লাভের ইচ্ছা প্রকাশ করেছেন।

ব্যবস্থাপনা শ্রমিক সম্পর্ক:

যে কোন মিল কারখানায় সৃষ্ট উৎপাদনের অন্যতম পূর্বশর্ত হল শ্রমিক মালিক সু-সম্পর্ক ও সুন্দর পরিবেশ বিরাজমান রাখা। সফকো স্পিনিং মিলস্ লিঃ কর্তৃপক্ষ সর্বদা কোম্পানীর শ্রমিক ও কর্মচারীদের কল্যাণের দিকে লক্ষ্য রেখে আসছে। শ্রমিক ও কর্মচারীদের সুস্বাস্থ্যের প্রতি ও কল্যাণমূলক কাজে কোম্পানী সবসময়ই প্রাধান্য দিয়ে আসছেন। প্রশিক্ষণের মাধ্যমে উন্নত ও দক্ষ শ্রমিক গড়ে তোলার দিকে কর্তৃপক্ষ সর্বদা গুরুত্ব দিয়ে আসছে। কর্মকর্তা, কর্মচারী এবং শ্রমিকগণ যাতে সৃষ্টভাবে জীবিকা নির্বাহ করতে পারে, সুচিকিৎসার সুযোগ পায় সেদিকে কর্তৃপক্ষ সম্পূর্ণ দৃষ্টি রেখে আসছে। দ্রব্যমূল্য বিবেচনা করে চলতি আর্থিক বৎসরে বেতন ভাতাদি পর্যাণ্ড পরিমানে বৃদ্ধি করা হয়েছে। এছাড়া কোম্পানীর শ্রমিক কর্মচারীদের চিকিৎসা ও সামাজিক কারণ ও সন্তানদের লেখাপড়ার ব্যাপারে ক্ষেত্র বিশেষে কোম্পানী আর্থিক সহায়তা দান অব্যাহত রেখেছে। শ্রমিক, কর্মচারীদের বিনোদনের জন্য কর্তৃপক্ষ বিভিন্ন বিনোদনমূলক অনুষ্ঠানের ব্যবস্থা করে আসছে। মিলে বর্তমানে ব্যবস্থাপনা ও শ্রমিকদের মাঝে সুসম্পর্ক বজায় থাকার কারণে উৎপাদনের সৃষ্ট পরিবেশ বিরাজমান আছে।

সামাজিক দায়বদ্ধতা ও কার্যক্রম:

একটি জনপদ এর বাসিন্দাদের সক্রিয় সহযোগিতায় যে এলাকায় মিলটি প্রতিষ্ঠিত সে এলাকার জনগনের কাছে প্রতিষ্ঠানের কিছুটা সামাজিক দায়বদ্ধতা আছে। সফকো স্পিনিং মিলস্ লিঃ কর্তৃপক্ষ সামাজিক দায়িত্ব হিসাবে এই এলাকার স্থানীয় আর্থ সামাজিক উন্নয়নের দিকে সর্বদা লক্ষ্য রেখে আসছে। এলাকার জনগণের বিভিন্ন অসুবিধায় কিংবা দুর্ঘোণে সহযোগিতা ছাড়াও এলাকার বিভিন্ন কল্যাণমূলক কাজে মিল কর্তৃপক্ষ প্রয়োজন মত আর্থিক সহযোগিতা দান করে থাকেন। এলাকার বিভিন্ন শিক্ষা প্রতিষ্ঠানে আর্থিক অনুদান এবং ছাত্র বৃত্তি সহ বিভিন্ন সমাজকল্যাণমূলক কাজে কোম্পানী আধুনিকতার সাথে সহযোগিতা করে আসছে। স্থানীয় জনগনের বিভিন্ন সামাজিক অনুষ্ঠান, খেলাধুলা ইত্যাদিতে ও মিল কর্তৃপক্ষ সহযোগিতার হাত প্রসারিত রয়েছে।

উপসংহার:

সফকো স্পিনিং মিলস্ লিঃ এর পরিচালনা পর্ষদ কোম্পানীর বিভিন্ন কর্মকাণ্ডে বিভিন্ন সময়ে নানাভাবে সাহায্য ও সহযোগিতা করার জন্য সংশ্লিষ্ট প্রতিষ্ঠানসমূহ যেমন- ব্যাংক এশিয়া লিঃ, এনআরবি ব্যাংক লিঃ, জনতা ব্যাংক লিঃ সহ বিভিন্ন ব্যাংক সমূহ সরকারী ও বেসরকারী দপ্তর সমূহ বিশেষ করে জাতীয় রাজস্ব বোর্ড, বাংলাদেশ সিকিউরিটিজ এন্ড এক্সচেঞ্জ কমিশন, ঢাকা ষ্টক এক্সচেঞ্জ ও চট্টগ্রাম ষ্টক এক্সচেঞ্জ, বিনিয়োগ বোর্ড, হবিগঞ্জ পল্লী বিদ্যুৎ সমিতি, জালালাবাদ গ্যাস ট্রান্সমিশন এন্ড ডিস্ট্রিবিউশন সিস্টেমস লিঃ, পরিবেশ অধিদপ্তর, গ্রীণ ডেল্টা ইস্যুরেন্স কোম্পানী লিঃ, স্থানীয় ইউনিয়ন পরিষদ, উপজেলা পরিষদ ও স্থানীয় সিভিল ও পুলিশ প্রশাসন ও স্থানীয় জনগন সহ সংশ্লিষ্ট সকলকে আন্তরিক ধন্যবাদ জ্ঞাপন করেছেন। পর্ষদ বিশেষ ধন্যবাদ জানাচ্ছেন কোম্পানীর সর্বস্তরের কর্মকর্তা, কর্মচারী ও শ্রমিকবৃন্দকে যাদের অক্লান্ত পরিশ্রম ও নিষ্ঠার জন্য সময়ে সময়ে বিভিন্ন প্রতিকূল পরিস্থিতি মোকাবেলা করেও কোম্পানী তার কার্যক্রম সন্তোষজনকভাবে চালিয়ে যাচ্ছে।

বিশেষভাবে সম্মানিত শেয়ারহোল্ডারবৃন্দের আন্তরিক সহযোগিতা, সমর্থন, মূল্যবান পরামর্শ প্রদান এর জন্য পরিচালনা পর্ষদ তাদেরকে আন্তরিক শুভেচ্ছা ও কৃতজ্ঞতা জ্ঞাপন করছেন। সর্বশক্তিমান আল্লাহ্‌তায়ালার কাছে আগামী বছরগুলোতে কোম্পানীর উত্তরোত্তর উন্নতি ও সমৃদ্ধি কামনা করে উপস্থাপিত প্রতিবেদন সমাপ্ত করছি। আল্লাহ্‌ হাফেজ।

তারিখ:

ঢাকা ২৮ অক্টোবর, ২০১৮ইং

পরিচালকমণ্ডলীর পক্ষে
এস, এ, বি, এম, হুমায়ুন
ব্যবস্থাপনা পরিচালক